



Ikamva-Ukunonophela
abantwana bethu

IsiKolo seCawa 3

Isihloko sesifundo: Umzekeliso wokhula

Isikhokelo soMzali

Isikolo seCawa saseKhaya



Mzali Othandekayo

Wamkelekile kwisifundo sesiKolo seCawa esithi **“Umzekeliso wokhula”**

Olu xwebhu luya kunika isikhokelo esingekuphi ngendlela oza kusenxa ngaso isifundo.

Uzilungiselela usibeke njani na isifundo

Ngezantsi kukho amanye amacebiso endlela onokusilungiselela usenze ngawo isifundo:

Inyathelo	Omakukwenze
1.	Fikelela kwikhasi lebandla eliTsha lobuPostile ngokufaka okanye ucofe kwikhonkco elilandelayo elisuka kwi-WhatsApp: https://bit.ly/3NACSSHS
2.	Qokelela ezi zixhobo zilandelayo ukuze uqiniseke ukuba usilungele isifundo: • iBhayibhile • Isifundo esikwimo yePDF esele ilungisiwe • Incwadi yomsebenzi womntwana kunye neepensile, iikhrayoni, njl. • Isiqwana sevideo sisixhobo esongeziweyo / sisixhobo esongezelweyo sokuzikhethela Qaphela: 2.1: Elona xesha lifanelekileyo ekufundiseni isifundo kusemva kwenkonzo yakusasa ngeCawa ukugcina inkqubo eqhelekileyo yesiKolo seCawa. 2.2: Nceda usenze sigqale kumxholo (sibe sifutshane) kangangoko, ucingele ixesha labo lokukwazi kwabo ukuphulaphula (ukugxila kwisifundo) sabantwana bethu-umazi kakuhle umntwana wakho! ISikolo seCawa ngokwesiqhelo asidluli kwimizuzu engama-45. 2.3: Isifundo seseklasu ngaye (Umzekel. SS, RI okanye Isiqinisekiso). 2.4: Nceda unxibelelane notitshala wesiqinisekiso ukuba ufuna naluphina uncedo okanye ufuna nasiphina isixhobo kwezi zingasentla.
3.	Thandaza (jonga umthandazo osekupheleni kolu xwebhu) kwaye ucele uThixo ukuba akusebenzise njengesixhobo sokuzisa isifundo ngendlela ayakuthanda ukuba sisenxe ngayo.



Ukwenza iSifundo seSikolo seCawa ekhaya

Uzilungiselela usibeke njani na isifundo

Siyaqhubekeka ukwabelana ngamacebi athile ngendlela esinokuthi silungiselele ukwenza isifundo:

Inyathelo	Omakukwenze
4	Dala indawo yokufunda emnandi, engenasiphazamiso apho wena nabantwana nikwinqanaba elifanayo. Umzekelo: Hlalani phantsi okanye ningqonge itafile.
5	Funda isifundo. Phinda ufunde isifundo ukuze usiqonde. Bukela isiqwana sevideo sesifundo ukufumana ulwazi olungcono lwesifundo.
6	Zenzele amaqaku kwiingongoma ezibalulekileyo ongathanda ukuzikhumbula.
7	Yiqonde injongo yesifundo ekufuneka sikhunjulwe ngumntwana wakho.
8	Fundisa isifundo kumntwana wakho.
9	Mbonise umntwana wakho ivideo kwaye uphinde ugxininise kwintsingiselo.
10	Jolisa umntwana wakho kumsebenzi okwincwadi yomntwana
11	Thandaza, okanye ucele umntwana wakho athandaze ukuvala isifundo.

Izixhobo ezifumanekayo ngokweSikolo saseKhaya

Nazi izixhobo zokuphucula umgangatho wesifundo:

1. Incoko ka-WhatsApp ngesifundo kunye nolunye usapho olunomntwana.
2. Xoxa ngesifundo nabanye abazali ukuze ufumane ingcaciso ngokubhekisele kwisifundo ngaphambi kokuba usifundise.
3. Zive ukhululekile ukwenza olwakho uphando ukumana iinkcukacha (ezongelelekileyo).



Isifundo

Isihloko seSifundo	Umzekeliso wokhula
Isicatshulwa seBhayibhile	Mateyu 13: 24-30
Injongo yesifundo	Abantwana bafunda ukuba kufuneka sizame ukuvumela okuhle kuphela kukhule ezintliziyweni zethu. Njengomgcini nomcebisi, uMoya oyiNgcwele uyanceda ukwahlula phakathi kokulungileyo nokubi.

Isishwankathelo sesifundo:

Ukuphinda isifundo somhlwayeli (isifundo 3.5.2) kuya kunceda abantwana ukuba baphinde babone ilizwi likaThixo njengembewu ehlwayelwayo.

Isifundo siza kugxila “kumzekeliso womdiza” onokuthi ushwankathelwa njengo “Mlimi ohlwayela imbewu elungileyo entsimini yakhe. Ebusuku utshaba lwakhe luza kuhlwayela ukhula phakathi kwengqolowa. Zombini zayakhula. Umlimi uvumela ingqolowa ukuba ivuthwe. Emva koko abasebenzi bakhe baukhupha wonke umdiza bawutshisa. Ingqolowa iyaqokelelwa yafakwa kuvimba.”

Sigxila kwinto yokuba uThixo ngumhlwayeli. Uhlwayela kuphela imbewu elungileyo entliziyweni yethu ngelizwi lakhe. Ngamanye amaxesha, nokuba kunjalo ububi nabo buyahlwayelwa ezintliziyweni zethu nguMtyholi. Kufuneka sosoloko sihleli silumkile kwaye sazi ngalento ukuze sizame konke okusemandleni ethu ukuphepha ububi.

Sithetha ukuthini esi sifundo kuthi namhlanje?

- UThixo uhlwayela imbewu elungileyo kuphela. Ufuna ukuvuna isiqhamo esihle.
- Ngamanye amaxesha ububi buvunyelwa ukuba bukhule ezintliziyweni zethu. Kufuneka sisebenze ukuvumela kuphela okuhle ukuba kukhule.
- Sifuna kuphela uthando, kunye noxolelo kunye nokuqonda kunye nobubele kunye nokunyaniseka kukhule ngaphakathi kwethu.

Masisoloko sikhumbula ukuba uThixo uhlwayela kuphela imbewu elungileyo. Kufuneka simthembe uMoya oyiNgcwele ukuba asibonise okuhle nokubi.



Eminye imibuzo esinokuyibuza:

- Kwakutheni ukuze umlimi avumele ingqolowa elungileyo ukuba ikhule kunye nokhula / ukhula?

Impendulo: Umlimi uyazi ukuba ukhula belungakhutshwa nengqolowa elungileyo nayo ibinako ukukhutshwa. Ufuna yonke ingqolowa elungileyo ikhule.

- Usifundisa ntoni lo mzekeliso?

Impendulo: Sigxila kwinto yokuba uThixo ngumhlwayeli. Uhlwayela kuphela imbewu elungileyo ezintliziyweni zethu ngelizwi lakhe. Ngamanye amaxesha ububi buhlwayelwa ezintliziyweni zethu nguMtyholi. Kufuneka sihlale silumkile kwaye sazi le nto ukuze sizame konke okusemandleni ethu ukuphepha ububi. UMoya oyiNgcwele uya kusikhokela.

- Zeziphi iimpawu nemilinganiselo esimele ukuvumela ukuba ikhule kuthi?

Impendulo: Luthando, uxolo, ububele, ukuqonda, ukunyaniseka. Vumela abantwana bakwandise oku malunga nezi mbono.

Umthandazo kaTata noMama wokuthandaza ngaphambi kwesifundo:

Thixo othandekayo, enkosi ngale mini

Sikelela bonke abazali kunye nabantwana

Kunga singeva ubukho bakho

Sikelela isifundo esiya kuba naso

Nceda usifundise sikukhonze njani

Kwaye sincede senze intando yakho

Ukuze sisondele kufuphi kuwe

Thumela uYesu ukuze asiphuthume

Kwaye kwanga singakulungela ukuhlangana naYe

Amen